



COMUNE DE PÀDRIA

ÒRGANOS ISTITUTZIONALES UFÌTZIU DE SU SÌNDIGU

Ordinàntzia N. 8 de 06/11/2020

Ogetu: Rimotzione e eliminatzione de sos refudos abbandonados in Pàdria (TT) in sa localidade Monte Fromma, distinta in su catastu in su fògliu n. 4, partighedda n. 17 de su catastu comunale, ex art. 192 de su D.gs n. 152/2006.

SU SÌNDIGU

PREMÌTIDU chi:

- in s'artìculu 50, comma 4 de su D.Lgs n. 267/2000 (TUEL) istabilit chi su Sìndigu esèrtzitat intre sas àteras funtziones chi li sunt atribuidadas cale autoridade locale in sas matèrias prevididas dae dispositziones de lege ispetzìficas e in su comma 5 previdit chi, in casu de emergèntzias sanitàrias o de igiene pùblica, ebbia a caràtere locale, sas ordinàntzias contingìbiles e urgentes sunt adotadas dae su Sìndigu, cale rapresentante de sa comunidade locale;
- su D.gs n. 152 de su 3 de aprile de su 2006 e mm.ii.ii. adèguat a sa disciplina europea sas diretivas natzionales pro sa gestione de sos refudos e bonìfica de sos giassos incuinados;
- in particolare s'artìculu 192 de su decretu subra mentovadu imponet sa proibitzione de s'abbandonu e depòsitu sena controllu de refudos subra su terrinu e suta su terrinu e puru de nche betare cale si siat tipu de refudos siat in sas abbas superfiziales chi in cussas suta de terra e, previdit in casu de violatzione de sa proibitzione, chi si dispòngiat cun ordinàntzia de su sìndigu, sa rimotzione, s'aviu a su recùperu o eliminatzione de sos refudos e su riprìstinu de s'istadu de sos logos;

BIDA sa nota de s'Istazione Cumandu Carabineris pro sa tutela ambientale (Nùcleu Operativu Ecològicu de Tàtari) de su 23/10/2020, prot. n. 10/36-6-2020, cun ogetu "Signalatzione de agatada in istadu de abbandonu de refudos, ispetziales perigulosos e non perigulosos in localidade Monte Fromma, agru de su comune de Pàdria (TT), achisida a su protocollu de custu Ente in data 25/10/2020 a su n. 4141;

IN SA MATESSI signalatzione si comùnicat chi, a pustis de compudu in loco fatu dae su personale de su NOE de Tàtari e de s'Istazione Carabineris de Pàdria (TT) in data 01/10/2020, dae incàrrigu de sa Procura de su Tribunale de Tàtari beniat atzertadu a in intro de s'Azienda Agru-Turìstica Venatòria denumenda "Monte Fromma", de proprietade e gestida dae sa "Monte Fromma S.r.l.", cun sede legale in Pàdria (TT) - carrera Eleonora d'Arborea n. 3 – còdighe fiscale/p.Iva 01938050901, dada a sa catza e a sa catura de animales, a s'allevamentu e a torrare a popolare sa selvagina, in duas àreas distintas in su terrinu chi est in Pàdria (TT) in sa localidade Monte Fromma, distinta in catastu in su fògliu n. 4 e partighedda n. 17, s'abbandonu de "refudos

ispetziales chi provenint dae sa demolizione de unu fràigu, in passadu pagu prus o mancu impreadu comente porcilàia, riferidos a inertos e bìculos de ondulinas de su tipu impreadu pro sa coberturas e podet èssere de tzimentu-amiantu”, sas àreas beniant sutapostas a secuestro e comente sa cunduta atzertada, riferidas a s’Autoridade Giudiziària de Tàtari;

PERBÈNNIDAS a s’isciente sas posas fotogràficas, allegadas a sa segnalazione matessi, achisida in data 25/10/2020, cun sas cales si atzertat chi in s’àrea in ogetu resurtant abbandonadas cantidades de refudos;

ATESU chi, cun sa comunicatzione in ogetu, su Cumandu Carabineris pro sa Tutela de s’Ambiente invitat custu Ente a s’aviu de su protzedimentu amministrativu e, a s’adotzione a sos tèrmines de s’art. 192 comma 1 de su D.lgs n. 152/2006 de ordinàntzia apòsita “de ripristinu de s’istadu de sos logos”, cun s’aviu a eliminatzione/recùperu de sos refudos abbandonados, in sos cunfrontos de su signore DETTORI PAOLO ANTONIO GIORGIO, nàschidu in Pàdria (TT) su 23/04/1953, residente in Tàtari (TT), Carrera Amendola n. 44, Presidente de su Consìgiu de Amministratzione de sa “Monte Fromma Società Agricola S.r.l.”, responsàbile, condutore e proprietàriu de su terrinu e de s’azienda agrìcula;

ATZERTADU chi s’art. 192 de su D.Lgs 152/2006 e mm.ii.ii. prevedit chi:

- s’abbandonu e su depòsitu sena controllu de refudos subra su terrinu e suta su terrinu sunt proibidos;
- chie si siat chi violet sa proibizione segundu su comma 1 e su comma 2 est obligadu a protzèdere a sa rimozione, a s’aviu a recùperu o a s’eliminatzione de sos refudos e a su ripristinu de s’istadu de sos logos in sòlidu cun su proprietàriu e cun sos titulares de sos diritos reales o personales de godimentu subra de s’àrea;
- su s’indigu disponet cun ordinàntzia sas operatziones netzessàrias pro remòvere sos refudos abbandonados e su tèrmine intro de su cale providire, coladu su cale protzedit a s’esecuzione in dannu de sos sugetos obligados e a su recùperu de sas summas antizipadas;
- si in casu mai sa responsabilidade de su fatu illètzitu siat imputàbile a amministratoros e rapresentantes de persone giurìdica, sunt tentos in sòlidu sa persone giurìdica e sos sugetos chi siant intrados a pustis in sos diritos de sa persone matessi;

BIDA sa situatzione de fatu e de diritu resumida in premissa e mègius incrarida in sa segnalazione de su Cumandu Istatzione Carabineris pro sa Tutela Ambientale (Nùcleu Operativu Ecològicu de Tàtari), subra torrada a cramare;

LEADU ATU chi, sende gasi sas cosas de cantu essidu a campu e analizadu, s’àrea individuada pro mèdiu de sas coordinadas geogràficas indicadas in sa segnalazione, resurtat a manera catastale in su fògliu n. 4, partighedda n. 17;

APRETZIADU netzessàriu providire, in pagu tempus, a sas operatziones de rimozione e eliminatzione o recùperu de totu sos refudos, pro ripristinare s’istadu de sos logos e sa cundizione de siguresa sanitària e ambientale de su giassu;

BIDA sa comunicatzione e aviu de su protzedimentu, prot. n. 4209 de su 29/10/2020, imbiada a sos intestatàrios pro mèdiu de pec e cunsignada a sos matessis pro mèdiu de pec in data 29/10/2020;

CUNSIDERADU chi peruna nota de cumprou a sa comunicatzione pretzedente est perbènnida in sos tèrmines indicados (7 dies) dae parte de sos intestatàrios de sa missiva matessi;

TORRADOS A CRAMARE:

- su D.Lgs 267/2000;
- sa Lege 241/1990 e mm.ii.ii.;
- su D.gs 152/2006, art. 192;
- s'Istatutu Comunale.

ÒRDINAT

- a su sig. DETTORI PAOLO ANTONIO GIORGIO, nàschidu in Pàdria (TT) su 23/04/1953, residente in Tàtari (TT), Carrera Amendola n. 44, Presidente de su Consìgiu de Amministratzione de sa "Monte Fromma Società Agricola S.r.l.", responsàbile, condutore e proprietàriu de s'azienda agricola e de s'àrea tzensida a manera catastale in su fògliu 4 e partighedda 17;

e

- a sa Monte Fromma Società Agricola S.r.L., cun sede legale in Carrera E. d'Arborea, n. 3, 07015 Pàdria (TT);

in sòlidu intre de issos, de providire cun s'urgèntzia màssima e semper e cado intro e non prus a dae de su tèrmine de 60 (sessanta) dies dae sa comunicatzione e dae sa retzida de s'ordinàntzia presente a sa rimotzione e imbiu a recùperu e/o eliminatzione (in base a sa tipologia) de sos refudos abbandonados in s'àrea a in intro de s'azienda Agru-Turìstica Venatòria denumenada "Monte Fromma" de proprietade e gestida dae sa "Monte Fromma S.R.L.", cun sede legale in Pàdria (TT) – Carrera Eleonora d'Arborea, n. 3 – còdighe fiscale/partida Iva 01938050901, fata chi siat rechesta de Autorizatzione a s'atzessu a sas àreas sequestradas a s'Autoridade Giuditzziària cumpetente (Procura de sa Repùblica in su Tribunale de Tàtari);

- a) de ripristinare s'istadu de sos logos;
- b) de comunicare a custu Comune s'esecutzione avènnida de cantu ordinadu pro cunsentire de fàghere sas verificas oportunas dae parte de sos òrganos de controllu cumpetentes, trasmitende còpia de sas tzertificatziones de s'eliminatzione avènnida de sos refudos subra mentovados in sos modos istabilidos dae sas normativas de setore, acumpangiadas dae formulàrios eventuales identificativos de sa recusa.

SI AVERTET chi

In casu de no ubbidientzia o non giustificadu ritardu in su dare esecutzione a cantu prevididu in s'Ordinàntzia presente, s'at a protzèdere sena pregiuditziu pro sos provvedimenti amministrativos penales de su casu, a s'esecutzione de ufitziu, in dannu a sos sugetos responsàbiles e a su recùperu de sas summas antizipadas dae custa Amministratzione, segundu cantu prescitu art. 192 D.Lgs. 152/2006, fata franca sa denùntzia a s'Autoridade Giuditzziària cumpetente in cunfoma a s'art. 255 e 256 de su D.Lgs 152/2006;

DISPONET chi

- s'ordinàntzia presente siat trasmìtida e comunicada, puru pro mèdiu de pec:
 - 1) a su sig. signore DETTORI PAOLO ANTONIO GIORGIO, nàschidu in Pàdria (TT) su 23/04/1953, residente in Tàtari (TT), Carrera Amendola n. 44, Presidente de su Consìgiu de Amministratzione de sa "Monte Fromma Società Agricola S.r.l.", responsàbile, condutore e proprietàriu de s'azienda agrìcula e de s'àrea tzensida a manera catastale in su fògliu 4 e partighedda 17;
- e
- 1) a sa Monte Fromma Società Agricola S.r.L., cun sede legale in Carrera E. d'Arborea, n. 3, 07015 Pàdria (TT), in calidade de proprietària de s'àrea tzensida a manera catastale in su fògliu 4 e partighedda 17;

DISPONET, in fines chi

- còpia de su provedimentu presente bèngiat trasmìtidu (pro sa vigilàntzia, controllu e verìfica de su rispetu de su provedimentu presente)
 - a) a su Cumandu Carabineris pro sa Tutela Ambientale Nùcleu Operativu Ecològicu de Tàtari;
 - b) a s'Istazione Carabineris de Pàdria;
 - c) a s'Agente de Politzia Munitzipale de Pàdria;
 - d) a su Responsàbile de su Setore Tècnicu de su Comune de Pàdria;
- còpia de su Provedimentu presente bèngiat postu in s'Albu Pretòriu online de su Comune.

SI INFORMAT chi

- contra a s'atu presente podet èssere propostu ricursu a su Tribunale Amministrativu de sa Regione Sardigna intro de 60 dies dae sa notìfica o semper e cando dae sa connoschèntzia prena de su matessi, o puru, in alternativa ricursu istraordinàriu a su Presidente de sa Repùblica intro de su tèrmine de 120 dies dae sa notìfica o dae sa connoschèntzia prena de su provedimentu matessi, in cunforma a su D.P.R. 24 de santandria de su 1971 n. 1199.

Pàdria, 06/11/2020

Su SÌNDIGU
Dot. Alessandro Mura

Tradutzione de s'operadora de s'isportellu linguìsticu de Pàdria
Maria Leonarda Correddu

